



KAÑNEN

én inour

de Sant Mériadek


Parrèz STIVAL



DISKAN



Sant Mé-riadek, a lein en né, kleù-et hi-niù hur pe-den Se-



kou-ret ni hou pu-ga-lé, Reit d'emb a-taù hur gou-len.

Poz



En hur bro ni, é Breih I-zél, Mé-riadek e oé gan-net; E



dud e oé a stad ihuel, Pi-nuik a va-deu er bed.

2

A vihan sontil a spered,
Diskein e hras abred mat
En ol sianseù ag er bed
Eit gobér inour d'é stad.

3

Ar un dro get en abilted,
É santeleh e greské;
Um hoarn ataù doh er péhed,
Chetu é soursi bamdé.

4

A ol é nerh, ol é galon,
Mériadek e garé Doué
Ha ean e ré en alézon
Get er vrasan larganté.

5

De vro Stival, étal Pondi,
Er sant en doé um dennet
Eit chonjal é Doué muioh mui
En ur léh didrouz kuhet.

6

Enou, de bep kours ag en dé
Ha liés épad en noz,
Ar é zeulhin é pedé Doué
Hemb kemér kalz a repoz

7

Hag énou hoah, liés eué,
Eit santélat é inéan,
Doh er beden ean e joenté
Er penijenneu rustan

8

E huélet é vuhé santél,
Ol en dud e oé souéhet ;
Kredein e hrént éh oé un él
Ar en doar-men dichennet

9

En Etru Doué d'é servitour
E ré hemb arsaù gréseù
Ha memb er gelloud, en inour
D'obér halz a virakleu.

10

El agent Jézus ar en doar,
Mériadek, é bro Stival,
Er ré er hleüed d'er ré bouar
Hag er guéled d'er ré dal.

11

Ésat e hré de bep klinuéd :
En dud e zé a vostad
Eit kavet geton er iehéd,
Eit kleuet é gonzeu mat.

12

Più e larou en ineañneu
En des gouniet de Zoué
Get é skuirieu, é virakleu
Get é bredegeu eué ?

13

D'er hours-hont eh oé trémenet
Eskob Guéned, ha kentéh
Sant Mériadek e zou choéjet
De vout eskob én é léh.

14

Saüet d'er garg-sé ken ihuél
Er sant, distag doh er bed,
E viù santéloh pé santél :
Penijen e hra perpet.

15

Eit er ré peur, er ré distér,
Na brasé é garanté !
Ean ou sekour é pep dobér
El un tad lan a druhé

16

Pe zigoéh en devéhan ér,
Mériadek get leuiné
E zigemér korv hur Salvér
Eit kavet er guir vuhé.

17

E rauk merüel, ar é hulé,
E zeuhorn geton jcentet,
Ean e lar : D'oh hui, o men Doué,
E kenigan me spered !

18

Arlerh ur vuhé treménet
É hobér er mad bamdé,
Sant Mériadek e zou galüet
D'en eurusted ag en né.

19

« Sant Mériadek, cit omb pedet !
Eit omb goulennet get Doué
Bout distag doh madeu er bed
Ha klask ketan pen en Né !

20

« Amen é viuéh gaéharal,
O sant Mériadek karet !
Goarnet mat hou pobl a Stival
Hiniü, arhoah ha perpet !

21

« Arnomb, en dé men a bardon,
Taufet ur sel a druhé ;
Sekouret hou perhinderion
D'arriü étal-oh un dé ! »

S. E. STRAT, person Plouay

Mat de vout mollet,
Guéned, 10 a viz meurh 1934
Aug. GUILLEVIC
vikél bras